

四庫全書

史部

欽定四庫全書

行水金鑑卷一百六十五

江南按察使傅澤洪撰

官司

金泰和四年吏部定考課法准唐令作四善十七最之法十一曰隄防堅固備禦無虞為河防之最 工部尚書一員正三品侍郎一員正四品郎中一員從五品掌修造工匠屯田山林川澤之禁江河隄岸道路橋梁之

事員外郎一員從六品主事二員從七品覆實司管勾  
一員從七品主事有令史十人 都水監街道司隸馬

分治監專規措黃沁河衛州置司監正四品掌川澤津

梁舟楫河渠之事興定五年兼管勾沿河漕運事作從

五品少監正六品以下皆同兼漕事少監從五品

明昌二年

增一員衛州分治 丞二員正七品內一員外監分治貞元年

置掾正八品掌與丞同外監分治

大定二十七年添一員明昌三年并罷之

六年復 勾當官四員准備分治監差委

明昌五年以罷掾設二員興定

五年設  
四員

都巡河官從七品掌巡視河道修完隄堰栽

植榆柳凡河防之事分治監巡河官同此 諸都巡河

官掌提控諸埽巡河官

明昌五年設以合得縣令人年六十者選充大定二年設滹池

河巡河官二員散巡河官

於諸局及丞簿廩舉人并見勾當人六十以下者充

黃汴都

巡河官下六處河陰雄武滎澤原武陽武延津各設散

巡河官一員 黃沁都巡河官下四處懷州孟津孟州

城北各設黃沁散巡河官各一員 衛南都巡河官下

四處新鄉崇福上崇福下衛南淇上散巡河官各一員

滑濬都巡河官下四處武城白馬書城教城散巡河  
官各一員 曹甸都巡河官下四處東明西佳孟華陵  
城散巡河官各一員 曹濟都巡河官下四處定陶濟  
北寒山金山散巡河官各一員

凡二十五埽  
兵萬二千

諸埽

物料場官掌受給本場物料分治監物料場官同此唯  
崇福上下埽物料場官與當界官通管收支南京延津  
渡河橋官兼譏察事管勾一員同管勾一員掌橋船渡  
口譏察濟渡給受本橋諸物等事內譏察事隸留守司

餘浮橋官同此 皇統三年四月懷州置黃沁河隄大

管勾司未詳何年罷正大二年外監東置歸德西置于

河陰 散巡檢正九品內泗州以管勾排岸兼之皆設

副巡檢一員為之佐 大慶關管勾河橋官兼譏察事

一員正八品掌解繫浮橋濟渡舟楫巡視河道修完埽

岸兼率埽兵四時功役栽植榆柳預備物料譏察姦偽

等事同管勾一員司吏二人女直漢人各一人 提舉三門集津南

北岸正六品南遷後置 金 史百官志

金世宗大定十年二月漕沱河舫設巡河官二員

金史

河渠志

金世宗大定十九年九月設京埽巡河官一員

金史河渠志

金世宗大定二十七年二月丁亥命沿河京府州縣長

貳官並帶管勾河防事

金史世宗本紀

金章宗泰和六年春正月癸卯始以沿河縣官兼管勾

漕河事州府府官兼提控

金章宗本紀

十二月通濟河舫設

巡河官一員與天津河同為一司通管漕河牕岸上名

天津河巡河官隸都水監

金史河渠志

元工部尚書

三員四員二員一員不等

侍郎員外郎

亦多少不等

巡河提

領所提領二員副提領一員

都水監秩從三品掌治

河渠并隄防水利橋梁牐堰之事都水監二員從三品

少監一員正五品監丞二員正六品經歷知事各一員

令史十人蒙古筆且齊一人回回令史一人通事知印

各一人秦差十人壕寨十六人典史二人至元二十八

年置二十九年領河道提舉司大德六年陞正三品延



祐七年仍從三品 大都河道提舉司秩從五品提舉  
一員從五品同提舉一員從六品副提舉一員從七品  
河南山東都水監至正六年五月以連年河決為患  
置都水監以專疏塞之任 行都水監至正八年二月  
河水為患詔于濟寧鄆城立行都水監九年又立山東  
河南等處行都水監十一年十二月立河防提舉司隸  
行都水監掌巡視河道從五品十二年正月行都水監  
添設判官二員十六年正月又添設少監監丞知事各

一員 都水庸田使司至元二年正月置都水庸田使

司于平江既而罷之至五年復立至正十二年因海運不通京師闕食詔河南窪下水泊之地置屯田八處於

汴梁添立都水庸田使司正三品掌種植稻田之事庸

田使二員副使二員僉事二員首領官經歷知事照磨

各一員司吏十二人譯史二人

元史百官志

元有天下內立

都水監外設各處河渠司以興舉水利修理河防為務

元史河渠志

自元以來都水河渠設官專以興舉水利以為民也不專主漕運于此可見

元世祖中統四年九月乙酉立漕運河渠司

元史世祖本紀

按

史百官志凡漕運之事中統二年初立軍儲所尋改漕運所至元元年改漕運司十二年改都漕運司十九年改京畿都漕運使司二十四年內外分立兩運司而京畿都漕運司如舊屬戶部據此則漕運專司運糧不理河務矣是年立漕運河渠司似為兼職與明季相同

元世祖至元十四年三月癸巳以行都水監兼行漕運

司事 元史世祖本紀

元世祖至元十九年四月庚戌設懷孟路管河渠使副

各一員 元史世祖本紀

元世祖至元二十五年二月丙寅改河渠提舉司為轉

運司

元史世祖本紀

至元二十六年會通河成後四年始建都水分監於

東阿之景德鎮掌河渠壩閘之政

山東全河備考

元世祖至元二十七年十月甲戌立會通汶泗河道提

舉司從四品

元史世祖本紀

元世祖至元二十九年正月己亥命太史令郭守敬兼  
領都水監事仍置都水監少監丞經歷知事凡八員

四月壬子敕都水監分視黃河隄堰罷河渡司

元史世

祖本紀

元成宗大德二年二月乙丑立浙西都水庸田司專主

水利

元史成宗本紀

元成宗大德三年四月己未自通州至兩淮漕河置巡

防捕盜司凡十九所

元史成宗本紀

尚野改懷孟河渠副使會遣使問民疾苦野建言水利  
有成法宜隸有司不宜復置河渠官事聞于朝河渠官

遂罷遷國子助教

元史尚野傳

元成宗大德八年正月辛巳自滎澤至睢州築河防十

有八所

元史成宗本紀

元武宗至大元年八月戊申寧夏立河渠司秩五品官

二員參以二僧為之特授奎騰太史

元史武宗本紀  
參以二僧為之元

政之紀  
綱亂矣

至大三年十一月河北河南道廉訪司言于汴梁置

都水分監妙選廉幹深知水利之人專任其職量存

員數頻為巡視職掌既專則事功可立於是省令都水  
監議黃河泛漲止是一事難與會通河為比先為御河  
添官降印兼提點黃河若使專一分監在彼則有妨  
御河公事況黃河已有拘該有司正官提調自今莫若  
分監官吏以十月往與各處官司巡視缺破會計工物  
督治比年修完來春分監新官至則一一交割然後  
代還庶不相誤工部議黃河為害難同餘水欲為經  
遠之計非用通知古今水利之人專任其事終無補

益河南憲司所言詳悉今都水監別無他見止依舊  
例議擬未當如量設官精選廉幹奉公深知地形水  
勢者專任河防之職往來巡視以時疏塞庶可除害  
省準令都水分監官專治河患任滿交代

治河通考

元泰定帝泰定二年閏正月壬申罷松江都水庸田使  
司命州縣正官領之仍加兼知渠堰事 二月庚子姚  
煒以河水屢決請立行都水監於汴梁倣古法備捍仍  
命瀕河州縣正官皆兼知河防事從之 六月丁未立



都水庸田使司浚吳松二江

元史泰定帝本紀

元泰定帝泰定三年正月壬子置都水庸田司于松江

掌江南河渠水利

元史泰定帝本紀

元順帝至正六年五月丁酉以黃河決立河南山東都

水監

元史順帝本紀

元順帝至正九年春正月癸卯立山東河南等處行都

水監專治河患

元史順帝本紀

元順帝至正十二年海運不通立都水庸田使司於汴

梁 元史順帝本紀

元順帝至正十五年十月己卯立黃河水軍萬戶府於

小清口 元史順帝本紀

元順帝至正二十六年二月癸丑朔立河淮水軍元帥

府於孟津縣 元史順帝本紀

明工部尚書左右侍郎掌天下百工營作山澤採捕窯

冶屯種權稅河渠織造之政令屬有水部後改水部為

都水清吏司郎中員外郎主事分掌川瀆陂池橋道舟

車之事 明會典

凡運河職官永樂初年差主事一員疏導寧陽縣等處  
泉源以濟運河後又差通政郎中各一員 又差主事  
一員專管閘河臨清閘則令提督衛河提舉司主事兼  
管皆三年更代 十二年議罷海運令工部尚書一員  
及都督一員疏濬運河 十五年令伯一員充總兵官  
初行漕事 又遣都督侍郎各一員及尚書一員伯二  
員往來提督以本部員外郎主事二員分理 又遣侍

郎提督監察御史錦衣千戶等官巡視 十九年遣侯

伯各二員分理濟寧等閘及徐州呂梁二洪通州等處

河道徐州洪差御史一員又差郎中一員呂梁洪差少

卿一員又差河南按察司官一員又差郎中一員

洪各二

差主事一員專管三年更代遂為定制

宣德中設濟寧管閘主事 正

統四年定巡視河道部屬官六員提督侍郎都御史各

一員以濟寧為界其南屬侍郎其北屬都御史又以都

督一員遞相提督 景泰元年令提督河道專屬都御

史 二年減巡視河道主事一員復減巡河御史二員  
以巡鹽御史兼理 三年設山東府州縣管河官 六  
年令總督漕運都督兼理河道 天順元年減淮安臨  
清沙灣巡河主事三員仍差主事一員管揚州一帶河  
道 成化初定設主事一員專管寧陽縣等處泉源  
七年始分河道為三節北自通州至德州南自沛縣至  
儀真各屬郎中一員中自德州至濟寧屬山東按察司  
官一員又以侍郎一員總理罷主事御史惟管洪閘主

事如故 八年復令長蘆巡鹽御史兼理通州臨清一帶河道又御史一員兼理濟寧至南京河道 十三年奏准管河郎中兼理河道驛傳捕盜夫役等事 又令

河道自通州至濟寧濟寧至儀真仍以郎中二員分理 十九年令沛縣沽頭等閘別差主事一員提督 二

十一年罷河南布政司管河沁二水官添設主事一員 弘治元年罷沽頭閘主事令濟寧以南河道令巡鹽御史兼理 又罷管河沁二水主事令徐州洪主事提

調 三年令山東勸農參政兼理山東河道 又令各府州縣管河官帶領家口專在該管去處坐住管理河道不許私回衙門營幹他事 七年復差沾頭主事

八年因治河工完奏准仍以河道分三節設官三員理之 革淮揚二府山陽等縣管河通判主簿 十八年

令浙西水利僉事濬常鎮河道以便糧運 正德二年

革河南新鄉獲嘉武陟等縣管河主簿 八年設大名

府通判一員東明長垣武城曹縣主簿各一員專管河

道嘉靖二年復罷沽頭閘主事并罷湖陵沽頭上中  
下金溝射溝新興黃家等八閘官吏令徐州洪主事帶  
管又議准遣都御史一員提督河道事務山東河南  
南北直隸巡撫三司等官俱聽節制仍添設郎中員外  
郎各一員分理七年罷提督衛河提舉司主事令管  
磚主事帶管閘座又以修濬大通河成設郎中一員  
駐劄通州往來督理兼管天津一帶河道八年罷戶  
部督運官令管河郎中魚理又令徐州兵備副使兼



理曹沛徐淮一帶黃河 十三年復設沽頭閘主事并  
新興黃家湖陵等七閘官吏人夫 十四年復設直隸  
景州滄州管河通判 十五年設兗州府同知一員疏  
濬泉源聽管泉主事提調 又令清江浦抽分主事兼  
管移風等五閘 二十年設南旺管閘主事 置饒山  
鎮閘及官吏人夫 又令濬南旺安山馬場昭陽四湖  
築堤開渠添置閘壩斗門仍照地界分隸本部郎中帶  
管 二十四年革南旺管閘主事令管泉主事帶管

添設歸德府通判一員商邱縣主簿一員專管河道

二十五年改兗州府管泉同知駐劄曹縣添設單縣管  
河主簿一員隆慶元年移沽頭主事于夏鎮駐劄管  
理新河一帶三年革棗林魯橋利建各閘官以南陽  
閘帶管革師家莊新閘閘官以仲家淺帶管六年添  
設河南副使一員給敕專管黃河修築隄岸又題復  
夏津魚臺二縣各主簿一員專管新河石隄閘壩設  
廣惠閘官吏帶管通惠閘萬厯元年題准蘓常鎮三

府運河責之蘇松兵備副使浙西運河責之浙江水利  
僉事照所轄地方時加疏濬如有疏濬不早致悞糧運  
者俱聽總理河道侍郎并僉運御史叅究 革移風聞

帶管板閘官吏 三年革兗州府南旺管河通判令本

府管河同知帶管仍魚管泉

濟寧衛管河  
指揮一員

四年添設

山東督濬官東平濟寧二州各判官一員泰安州吏目  
一員汶上曲阜鄒滕四縣各縣丞一員泗水魚臺二縣  
各主簿一員新泰萊蕪肥城平陰寧陽滋陽嶧七縣各

典史一員鉅野嘉祥各典史一員每州縣設管泉義官  
一員或兼管壩惟魚臺平陰不設泉官以濟寧東平帶  
管又泰安州泉官二員革一員鄒嶧二縣各泉官俱革  
以濟寧滕縣帶管其各州縣管泉老人並革 添設淮  
安府管河同知一員 五年添設總理河漕都御史一  
員後以工完停止 革提督河道都御史其事務并歸  
各該巡撫照地分管又革呂梁洪主事添設中河郎中  
一員駐劄呂梁兼管洪事 六年革徐州洪主事併屬

中河郎中兼管其鈔務歸併戶部分司 七年議准山東河南南北直隸各巡撫銜內添兼管河道四字給與專敕 添設高堰柳浦二隄大使一員歸仁集遙隄義官一員 八年革土橋李海務二閘閘官以良家鄉周家店官各帶管 十一年議准淮安府管河同知二員原駐邳州者改于甘羅城專管清桃山鹽等處河道駐徐州者改于邳州管徐州至宿遷河道 設梁境古洪各閘官一員內華閘以古洪帶管 十三年令山東濰

青登萊四府管糧通判及所屬州縣管糧官俱帶管水

利凡漕河正閘各設閘官一員吏一名其無官吏者以別閘帶管明會典

明太宗永樂二十一年五月丙戌設直隸淮安府山陽

縣移風聞置閘官一員明太宗實錄

明英宗天順元年七月戊子初工部奏河道有郎中主事及巡河御史管理上敕右都督徐恭專管漕運至是恭言平江伯陳瑄總督漕運兼理河道今令臣不得兼理河道恐有悞漕運上從之令如平江伯故事 十月

乙巳漕運總兵右都督徐恭奏揚州一帶寶應汜光邵伯高郵等處隄岸衝決數多清江提舉司造船主事不能兼理乞增設管河主事一員從之

明英宗實錄

按國初或以工部尚書侍郎侯伯都督提督運河自濟寧分南北界或差左右通政少卿或都水司屬分理又遣監察御史錦衣衛千戶等官巡視其沿運河之閘泉及徐州呂梁二洪皆差官管理或以御史或以郎中或以河南按察司官後皆革去而止設主事

三年一代然俱為漕運之河不為黃河也惟總督河道大臣則兼理南北直隸河南山東等處黃河亦以黃河之利害與運河同也總督之名自成化弘治間始或以工部侍郎或以都御史常于濟寧駐劄其河南山東二省巡撫都御史則靈書所載河道為重務又二省各設按察司副使一員專理河道山東者則以曹濮兵備帶管其巡視南北運河御史亦以各巡鹽御史兼之不別差也成化十年令凡漕河事悉聽



專掌官區處他官不得侵越凡所徵椿草并折徵銀  
錢備河道之用者毋得以別事擅支凡府州縣添設  
通判判官主簿閘壩官專理河防不許別委凡府州  
縣管河及閘壩官有犯行巡河御史等官問理別項  
上司不得徑自提問

治河通考

明憲宗成化二十二年十月己丑戶部會官議覆漕運  
巡撫等官所陳事宜一揚州府朝宗二閘宜增設閘官  
一員從之

明憲宗實錄

明孝宗弘治三年五月增置濟寧州廣運上閘設閘官

一員 明孝宗實錄

明孝宗弘治八年九月丁未裁革揚州淮安二府管河

通判及山陽清河睢寧儀真四縣管河主簿各一員 明孝

宗實錄 淮揚二府所屬河務多矣所設通判主簿斷不可缺無端裁革殊不可解宜乎後來部議之不從

何臺中所奏也

明孝宗弘治十七年五月丁巳工部覆議監察御史何天衢所陳裁革管河冗員之奏謂先年安平鎮衝決始

則甚微本處官司互相推調遂成大患朝廷特遣大臣  
修築動費萬計終年不已今天衢所言固節財省費之  
意但管河郎中比別項官不同專選主事止是分管洪  
閘其餘河渠壩堰隄岸決口或溢或涸與夫椿草之徵  
需官夫之代替至如蓄少洩餘興利除害專官督理尚  
恐有失設若革去萬一如先年衝決及今年旱乾舟楫  
阻滯誰任其責況今廷臣議奏專設之數未可裁革從  
之明孝宗實錄

正德七年敕命都察院右副都御史劉愷總理河道  
愷擢兵部侍郎掌通政司事回京整理曹州等處兵  
備兼理河道山東按察司副使吳漳督同曹州知州  
吳瓚濟寧州同知賈存哲往來巡視祭告河神獲完  
達撫按請大臣總理擢巡撫都御史趙璜為工部右  
侍郎仍兼憲職總理其事璜請兗州府添設同知大  
名府添設通判曹縣武城東明長垣各設主簿一員  
專事河防璜具工完始末繪圖以聞

治河通考

明世宗嘉靖元年六月丁酉河南考城縣添設管河主簿一員從總理河道侍郎李瓚奏也

明世宗實錄

明世宗嘉靖十年五月辛丑裁革嘉祥東阿館陶三縣

管河主簿添設景州滄州管河判官

明世宗實錄

明世宗嘉靖十四年二月戊申裁革直隸豐縣河南陽

武縣管河主簿各一員復設直隸景州滄州管河判官

河南原武封丘蘭陽儀封夏邑等縣管河主簿各一員

添設河南睢州歸德州管河判官及直隸蕭縣主簿各

一員

明世宗實錄 景州滄州既于十年添設判官矣至是又復設之豈二州設有兩員耶

明世宗嘉靖十七年三月庚辰增設河間府所屬故城吳橋東光南皮交河興濟青縣靜海等縣主簿各一員專管治河裁革兗州府同知一員單縣豐縣主簿各一員從河道都御史于湛奏也

明世宗實錄

按明初之制自瓜儀以至通州河道皆屬漕撫設郎中二員南北專理之其諸洪閘各有主事一員專司漕運都御史敕諭則各有自通州至揚州一帶水利

皆當蓄洩者嚴飭該管官司并巡河御史管河管洪  
郎中等官設法疏築以便糧運怠職悞事者一體叅  
奏凡有便于糧運者利于軍民者悉聽爾等便宜處  
置之命河漕事原歸一其後偶遇黃河潰決則專敕  
大臣一員往治竣事還京不常設後遇有水患遂以  
為定員其職專管黃河於曹州駐劄河南山東管河  
副使則屬之管河郎中洪閘主事不相屬也故總河  
敕云今特命爾前去總理河道其黃河北岸長隄并

各該隄岸應修築者亦要着實用工修築高厚以為  
預防之計如各該地方遇有水災即便相度訪究水  
源可以開通分殺并可築實隄防處所仍嚴督各該  
管官員斟酌事勢緩急定限工程分投用工作急修  
理凡修河事宜敕內該載未盡者俱聽爾便宜處置  
事體重大者奏請定奪此原敕也後增入云近年沛  
縣迤北漕河屢被黃河衝決已經差官整理今特命  
爾前去總理河道督率管河管洪管泉管閘郎中主



事及各該三司軍衛有司掌印管河兵備等官時常往來親歷多方經畫遇有淤塞去處務要挑浚深廣蓋此救亦為黃河衝塞漕河故有是命其實專為黃河也先年總漕都御史每歲押糧運進京會議往迴查看河道其後私託巡按奏留自嘉靖元年都御史俞諫後更不赴京矣至嘉靖二十年二洪淺阻糧運不通總漕乃具疏盡推河道奉旨切責自管河都御史而下俱戴罪料理自此總河總漕分為二竟以漕

為米不知為河矣而且彼此水火漕法始亂

靳文襄

公治河書

明世宗嘉靖二十六年閏九月乙酉復設山東兗州府

管河同知單縣管河主簿各一員

明世宗實錄按此可見十七年總河于

湛奏裁之非是也

明世宗嘉靖四十一年二月庚申裁革山東夏津直隸

吳橋興濟河南商丘四縣各管河主簿一員

明世宗實錄設官

分職在祖宗朝原有深意山東河南各縣河務殷繁之所河官專責宣容旋復旋革紛更制度甚矣明中

葉君臣紀綱  
之紊亂也

漕河經始官無定員當其時故道久廢天子銳意規  
畫一時恢弘奇偉之士獻智略者輻輳上前故自工  
部尚書宋禮都督周長平江伯陳瑄而下有若尚書  
劉觀侍郎蘭芳張信新寧伯譚清襄城伯李隆員外  
郎夏濟主事劉文勇等凡數公往來督視其後河工  
既成天子重其事遣泰寧侯鎮遠侯新寧遂安兩伯  
分理濟寧諸閘及徐呂二洪通州諸處河道最後遣

大理少卿工部郎中員外主事監察御史河南按察  
副使等官景泰二年都御史王竑始奉敕總漕兼領  
河道自通州至揚州一切水利有當蓄洩者得以便  
宜督所司行之六年廼命都御史陳泰提督濟寧至  
儀真瓜洲河道亡何罷不設成化六年漕河處處淺  
澀遣戶部尚書薛遠工部侍郎喬毅分行疏濬御史  
丁川上言請如先年用陳泰事尙設提督官令其久  
任工部議以為運河洪閘有本部郎中一人主事八

人巡河御史二人河南黑羊山有參議一人山東張  
秋河道有僉事一人兗州有同知一人管泉及各府  
皆有通判一人管河立法已密宜勿設便至是言者  
復以為河道因無專主以至廢弛乃命郎中陸鏞郭  
昇分治南北副使陳善則治沙河以北德州以南而  
刑部侍郎王恕總之主事則分理洪閘其提督淮安  
至儀真河道主事及巡河御史奏罷不用自恕以後  
總理不復設間值河有他故遣大臣行視圖方畧治

之事竟還朝正德十一年始專設總理以工部侍郎  
兼都御史或左右副都御史兼侍郎兼軍務其沿河  
分理河務則有工部郎中三人北河張秋一中河呂  
梁一南河高郵一又通惠員外一人主事五人一臨  
清一南旺一夏鎮一徐州一青江浦隆慶元年始分  
巡漕御史兼管其各府州縣瀕漕河者長吏與有修  
治之責此外有管河同知通判州判主簿等官專領  
其事衛亦有巡河指揮諸閘壩有閘官壩官南河全考

明永樂都燕最重漕政始差主事一員疏蕞山東泉源及分汶水以利漕其後或以通政少卿及監察御史錦衣衛千戶等官巡視運河閘泉宣德中設主事管理濟寧閘座兼管河道又設主事提督徂徠等處泉源已而罷遣以山東參政副使管理河漕天順二年以河南道副使一員整理濟寧以北河道成化初改命通政駐劄張秋掌衛河會通河漕政北至天津南至魚臺一帶凡泉湖閘壩隄淺之事皆隸焉旋以

山東副使兼攝之尋改都水司郎中奉敕行事凡沿河有司及管河文武官員悉聽節制又除都水司主事二員奉部檄行事一駐劄寧陽管泉源一駐劄濟寧管閘座其南陽以南沛縣所轄用平江伯陳統議命主事一員駐劄于上沽頭以治水事弘治十八年以南旺南北二閘係水泉總會分派之所最為要害二閘一官一吏管理職卑任小往來官豪得以擅自啟閉常至走洩水利糧艘淺閣別設分司以寧陽管



泉主事兼攝之正德間專差主事一員駐劄南旺又設主事一員管理臨清閘座嘉靖間罷遣南旺主事仍以寧陽主事兼攝其政亦罷臨清主事屬其事於輒廠移沽頭分司于夏鎮隆慶初議併濟寧閘務於管泉主事遂以都水主事一員管理徂徠等處泉源兼管南旺濟寧閘座改稱南旺分司萬厯十六年以科臣張居敬請夏鎮南旺各給關防以重事權

山東

漕河至山東為府者三為州者四為縣者六自魚臺至臨清得洸汶泗沂四水其泉百七十餘會於四水而分流於漕渠有水部郎一人以掌之為牘凡三十有守津吏以啟閉為淺凡二百二十各有津老以時疏治又黃河常決張秋決曹單魚臺其道非一有司空兼御史臺一人水部郎一人按察副使一人統州邑判官主簿以分治其事漕河之有藉於山東者煩重如此此舊制也唯有水性遷徙靡常隆萬之間總

河潘季馴為之疏浚建置凡湖河壩口泉閘多所創

修

山東通志

自虞舜命伯禹作司空帝曰俞咨禹汝平水土至秦漢有都水長丞漢武帝以都水官多乃置左右使都以領之成帝以王延世為河隄使者哀帝初平當為鉅鹿太守以明禹貢使行河為騎都尉領河隄晉武帝置都水臺而河隄為都水官屬梁改都水使者為大舟卿其最卑者主舟航河隄後魏初有水衡都尉

及河隄謁者都水使者隋煬帝河渠署置令丞各一人唐因之開元中以宇文融為九河使石晉置隄長宋置都水監黃御等河都大提舉巡河主埽使提舉河防司元以工部尚書為總治河防使明或以工部尚書侍郎侯伯都督提督運河自濟寧分南北界或差左右通政少卿或都水司屬又遣監察御史錦衣衛千戶等官巡視運河閘泉宣德以後遣郎中一人提督濟寧河道主事一人提督徂徠等處泉源已而

部郎罷遣以山東參政副使管理河漕天順二年以河南道副使一員整理濟寧以北河道成化初改命通政駐劄張秋掌衛河會通河漕政北至天津南至魚臺一帶凡泉湖閘壩隄淺之事皆隸焉旋以山東副使兼攝之已改都水司郎中奉敕行事凡沿河有司及管河文武官員悉聽節制又除都水司主事二員奉部檄行事一駐劄寧陽一駐劄濟寧掌諸泉源閘壩之政凡有司管泉管河官員皆屬焉弘治十八

年南旺別設分司以寧陽都水兼攝正德十四年專

差主事一員駐劄南旺嘉靖二十四年罷遣南旺主

事而以寧陽主事兼攝其政隆慶三年罷遣濟寧主

事而三分司之政俱屬寧陽

今止南旺分司一員其駐劄濟寧管理泉閘

臨清閘座則正德間設都水司主事一員管理嘉靖

七年罷之而屬其事於輓廠

輓廠今順治八年裁歸併北河

然地雖

分管而總理之者北河郎中也其在所屬者文武官

郡有丞判州有判縣有簿尉閘有官衛有指揮所有

千百戶

今易以守備千總

各守其疆不相踰越

北河續紀


明神宗萬曆二十五年十二月乙卯初設備倭游擊一員於濟寧州地方聽河道總督山東撫鎮節制以濟寧乃運道咽喉宜防倭侵犯從河道尚書楊一魁之請也

明神宗實錄

明神宗萬曆三十三年四月丁未以順天府通州管河同知改兼土壩專督通糧事務管糧通判官改兼石壩專督京糧白糧事務俱選用正途三年之內果賢能稱

職咨部優轉

明神宗實錄





行水金鑑卷一百六十五

# 欽定四庫全書

史部

行水金鑑卷一百六十六至  
九

詳校官監察御史臣王爾烈

刑部郎中臣許兆椿覆勘

總校官知縣臣繆琪

校對官典簿臣郭祚熾

謄錄監生臣楊其梓

欽定四庫全書

行水金鑑卷一百六十六

江南按察使傅澤洪撰

官司

國家漕運全資黃運兩河特設河道總督一員駐劄濟寧總理兩河事務至於通惠北河南望夏鎮中河南河衛河各設分公司管理

以下俱

大清會典

通惠河分公司駐劄通州順治初差漢司官一員三年更

代十二年添差滿洲理事官一員筆帖式一員一年更  
代十四年裁滿官三年更代康熙元年復設一年更代  
六年裁九年復差滿司官一員筆帖式二員三年更代  
十年裁筆帖式十八年照內外河差例一年更代二十  
年仍改三年更代二十三年改令各部院衙門掣籤差  
遣

北河分司駐劄張秋順治初差漢司官一員三年更代  
康熙九年添差滿司官一員筆帖式二員十年裁筆帖

式十七年裁分司歸併濟寧天津二道管理

南旺分司駐劄濟寧州順治初差漢司官一員三年更  
代康熙九年添差滿司官一員筆帖式二員十年裁筆  
帖式十五年裁分司歸併濟寧道管理

夏鎮分司駐劄夏鎮順治初差漢司官一員三年更代  
康熙九年添差滿司官一員筆帖式二員十年裁筆帖  
式十五年裁分司原管滕嶧二縣河道開座歸東兗道  
管理沛縣河道開座歸淮徐道管理十七年滕嶧河務

改歸濟寧道管理

中河分司舊駐呂梁洪

後移駐宿遷縣

順治初差漢司官一員

三年更代四年添差滿司官一員八年裁十二年復差

滿官一年更代十四年裁

其間有三年更代四字疑衍

康熙元年復

差一年更代四年裁九年復添滿司官一員筆帖式二

員十年裁筆帖式十七年裁分司分歸淮揚淮徐二道

管理

南河分司駐劄高郵州順治初差漢司官一員三年更

代康熙九年添差滿司官一員筆帖式二員十年裁筆帖式十七年裁分司分歸淮揚淮徐二道管理

衛河分司駐劄輝縣順治十三年差漢司官一員本年裁歸衛輝府同知兼理十四年復差三年更代康熙四年裁歸分守河北道及衛輝府通判管理六年裁河北道令通判專理九年復設河北道

順治初設河南管河道一員駐劄開封府

康熙五年裁九年復設

濟寧管河道一員駐劄濟寧州

康熙六年裁九年復設

開封府南

河同知一員駐劄本府專管南岸河務

康熙七年裁歸清軍同知九年

復設

開封府北河同知一員駐劄祥符縣陳橋鎮專管北

岸河務歸德府河捕通判一員駐劄考城縣專管歸屬

南北岸河務

康熙七年裁九年復設

又商邱虞城考城三縣管河

主簿各一員懷慶府糧河通判一員駐劄本府河內武

陟二縣管河縣丞各一員徐屬河務同知一員駐劄徐

州邳宿同知一員駐劄邳州山清同知一員駐劄淮安府

康熙九年設宿桃同知一員駐劄宿遷縣桃清同知



一員駐劄桃源縣歸仁堤同知一員駐劄宿遷之白洋河魚設宿遷縣主簿二員桃源縣主簿一員各隨同知駐劄 十年設淮安府同知一員安東縣主簿一員俱駐劄安東縣又鉅野縣管河主簿一員 十三年設淮安府同知一員駐劄盱眙縣又盱眙縣主簿一員 十七年裁山清同知將河務歸併盱眙同知管理改為山清盱眙同知駐劄淮安府外河裁安東同知併山清同知原管外河河務俱歸宿桃同知管理改為山清安海

同知駐劄安東縣裁桃清同知將河務歸併歸仁隄同知管理改為宿桃歸仁同知駐劄白洋河其邳宿同知改為邳睢靈璧同知仍駐邳州

以上俱

大清會典

世祖章皇帝順治四年五月日工部覆總河楊方興為分司權輕判簿職微仰祈

皇上嚴飭道印各官毋誤河工事看得河道修濬工程責任料理在分司佐貳其地方夫役治辦物料皆賴於道府州縣正官故前朝議定凡有闕河務者年終

列名考成如或有誤一體題叅移咨吏部按以降  
調黜革戴罪之例今總河臣具題道印等官視河  
務非已任而整飭措辦之責全不料理卸擔於分司  
佐貳以致漕河廢弛已極請飭前來伏乞

敕下臣部咨行山東河南督撫按衙門嚴行申飭各道  
府州縣印官照依往例務要同心協理無誤河務如  
有仍前故違許該督撫按即指名題叅請  
旨治罪庶人心知警而河道有賴矣奉

旨依議行

河南管河道治河檔案

世祖章皇帝順治十年正月日工部覆總河楊方興為  
河患日亟夫料日艱請復舊規責成印官募夫辦料  
以濟急工毋誤河漕事看得治河要務全在責成得  
人今據河臣楊疏稱欲以修築責之河官募辦責之  
印官且照新增之數夫給現銀料給現價於治河各  
官功罪相同鼓舞有法河工喫緊無出於此合應復  
請

敕下總河臣會同督撫按嚴行司道府縣印官嗣後凡  
係河務俱要印河等官相助為理不得推諉永著為  
令如有故違聽河臣指名叅處奉

旨以後河務著各司道府州縣官同河官協力料理有  
推諉的河道總督指名叅處

河南管河道治河檔案

世祖章皇帝順治十六年三月日吏部覆總河朱之錫  
為申明激勸大典事據總河朱之錫疏稱前吏部覆  
臣特請歲行舉劾之例一疏內

敕下該督每年歲修告竣即行舉劾奉有依議行之

旨於內督撫年終舉劾奉

旨停止不敢冒昧具題今十五年河工久已報竣合無  
仍遵前

旨亦合令臣照例分別舉劾以示勸懲再照管河佐貳  
等官亦應量擇其尤另疏薦錄至於貪婪不職一槩  
題叅等語查十五年九月臣部覆漕督亢請明漕  
竣舉劾之例一疏內議總漕衙門似難與督撫事例

同論相應仍舊舉劾奉有依議之

旨今河臣專司河道原就本年濬築之勤情別其臧否  
若槩停舉劾則管河之官無以勸懲不便與督撫事  
例同論相應如其所請照舊舉行至管河佐貳等官  
職雖微其河工之責成頗重如有勤勞盡職者應行  
荐舉寧嚴勿濫其貪婪不職者聽河臣一體題叅  
可也奉

旨依議

河南管河道治河檔案

聖祖仁皇帝康熙十六年為謹酌河工繁簡等事總河  
王光裕題奉

旨將南旺夏鎮二司所管河道泉源閘座夫役等項歸  
併濟寧東充淮徐三道分管

山東充寧道冊

聖祖仁皇帝康熙十七年七月日總河靳輔題為敬陳  
經理河工事宜第七疏事臣惟修治河工必先以措  
設錢糧為要今措設錢糧之處已經臣條議上請倘  
蒙



皇上俞允則大工自應刻期興舉矣惟是大工興舉之日協理必需多員而大工告竣之後保護尤資羣力與夫事可兼攝者則冗員應裁權宜歸一者則職守應併是皆當因時度宜先為酌派定其責成使之可遵可守無紛雜掣肘玩忽坐誤之弊庶可望其樂於黽勉不為推諉而共相維持以保永久也竊思臣身任總河凡直隸東豫江浙各省有河地方并河務河官皆臣總理統轄不待言矣其自臣而下兼理兼轄

者則為分司各道需管者則為廳印諸員分管者則為各州縣之佐貳雜職等員雖官無大小各有所司然其職掌之紛淆事權之雜出以致掣肘貽誤者皆宜確議釐定也查河道項下興修守護等事既有專管分管各官駐宿河干朝夕料理其司道等官原以兼總大綱承上接下膺督率屬員指揮提調之任只須一官而兼轄數府不必一府而兼設數官也今淮揚兩府既設淮揚道淮徐道又設南河中河兩分司

其間寔多冗贅茲臣於司道之中權衡攸當竊見分  
司三年一換自以一官為傳舍而他人亦以客官目  
之未免呼應不靈且無地方錢穀刑名之任其於民  
情之休戚風俗之奸良不能一一熟察道臣係久任  
之官則凡所舉行必圖久遠而又兼管錢穀刑名之  
事於地方情形自能周知一切調撥協濟事宜庶易  
得當而官民之奉行尤稱惟謹臣愚以為宜將南河  
中河兩分司裁去其該管各務量其地形事勢分歸

淮揚淮徐兩道兼理淮郡之山陽清河安東鹽城海  
州沐陽贛榆并揚州府屬河道俱責成淮揚道兼理  
令該道仍駐淮安郡城其淮郡之桃宿邳睢并鳳陽  
府之靈璧以及徐州所屬河道俱責成淮徐道兼理  
令該道移駐邳州至北河通惠兩分司亦應併裁將  
北河分司事務照省歸併分交濟寧天津二道管理  
通惠分司事務交給通永道管理又東兗道遠駐沂  
州而魚轄滕嶧兩縣河務亦屬未當應併歸濟寧道

兼理庶為妥協也又淮安一府共有同知十員而管  
河者居其八皆係節次添設也殊不知河工事務全  
在用人之當而不在設官之多矧知河之法疏浚防  
塞各有攸宜同知為專管官與分管防守之佐雜微  
員不同乃畫河為兩岸而分管之是竟置河於不問  
矣且其間有彼此意見不同而推諉觀望者有屬員  
奉行不一而奔命不遑者事權之雜出誠為未便也  
臣愚以為同知八員之內今宜裁去三員將山清同

知原管運河事務歸併山盱同知多弘安管理駐淮  
安府山清同知原管外河并安海同知河務俱交宿  
桃南岸同知董安國管理改為山清安海同知駐安  
東縣俱令淮揚道兼轄宿桃兩縣河務并歸仁一隄  
俱歸併歸仁同知佟國聘管理改為宿桃歸仁同知  
駐白洋河邳宿靈壁三州縣河務仍令邳宿同知蘇  
崑管理改為邳宿靈壁同知仍駐邳州徐屬同知事  
務仍令祖文明管理仍駐徐州俱令淮徐道兼轄其

所裁山清同知魏師段安海同知李朝事宿桃山清  
北岸同知黃道弘俱應赴部改補又宿桃兩縣既有  
主簿四員理應每縣各設二員不宜彼此牽混臣請  
將宿遷主簿王振先改為宿遷北岸主簿宿桃南岸  
主簿改為宿遷南岸主簿桃源縣主簿王金改為桃  
源南岸主簿宿桃北岸主簿夏文象改為桃源北岸  
主簿庶職掌畫一而無混淆之虞此臣所謂事可兼  
攝冗員應裁權宜歸一職守應併者是也若夫河道

一事攸關民生休戚地方安危良非渺小凡膺民社之寄者皆當曲圖補救力為保護不宜徒諉河官坐視敝壞如撥夫運料等事在正印官有人民地方之責設法自易其管河同知通判等官與民絕不相親於錢穀刑名街坊里下諸務毫無關涉安能設施且府州縣之正印官往往視河務為餘事目河官為贅瘤雖遇疾呼未必馳救每有膜不相關之狀而無同舟共濟之情以致掣肘誤工不一而足臣請嗣今以



後凡遇河防沖決之事不論

欽工民工俱倣照盜案之例將該管之道府廳州縣佐  
雜等官一併照例題叅議處仍勒限半年修復完  
固亦照盜案定承修督修之例而責成之如有諱決  
者照諱盜例處分至於薦舉大計等典凡有河地  
方之司府州縣正印并道廳佐雜等官俱將河工之  
治否一併考成以分殿最必任內無河道沖決之事  
并遇決旋修不致殃民損課者方准保舉卓異如此

庶各官知警共相維持綢繆於未雨之先而河道之  
沖決自少即有沖決亦自速為修治不致蔓延滋害  
如今日之甚此臣所謂大工告竣之後保護尤資羣  
力者是也以上事宜皆指平日而言如蒙

俞允則可為將來章程

靳文襄公治河書

聖祖仁皇帝康熙二十四年九月日總河靳輔疏稱豫  
省河道居江南之上游豫省河道安則江南之河道  
亦安臣亦於另疏陳明矣惟是河道全資修守而修

防專賴得人是。以州縣管河官員品職雖微而關係甚重。非年力強壯熟諳河工者不足勝任也。又已得幹員矣。尤必諒其力所能及者而責成之。庶不致於貽誤。今豫省沿河如蘭陽儀封滎澤三縣兩岸均有堤工。俱長數十餘里。乃向來止有管河官一員。不特奔馳難及。而每歲伏秋異漲之時。處處出漕河面寬數十餘里。且急溜非常。一過渡而費窮。日工夫安得依往來修守之計。又如虞城縣堤長百里而修防僅

有一主簿亦萬難兼顧者也此四縣者必須添設河  
官四員但增官勢必增俸是以臣等行令藩司河道  
等官酌裁可省之員添設至緊之缺今據該藩司郎  
永清該道祖文明等再三酌議前來查濟源縣原無  
修防之責所有額設主簿一員儘可裁去又修武封  
邱兩縣縣丞虞城石榴堦驛驛丞職掌俱閒均可裁  
去內一議裁濟源縣主簿一員移設蘭陽改為蘭陽  
縣管河主簿與見任蘭陽縣縣丞分管該縣兩岸工

程一議裁修武縣縣丞一員移設儀封改為儀封縣  
管河縣丞與見任儀封縣主簿分管該縣兩岸工程  
一議裁封丘縣縣丞一員移設滎澤改為滎澤縣管  
河縣丞與見任滎澤縣主簿分管該縣兩岸工程一  
議裁虞城縣石榴堧驛驛丞一員另添設虞城縣管  
河縣丞一員與見任虞城縣主簿分管該縣工程又  
陽武縣主簿止能管北岸工程其南岸工程查該縣  
見有縣丞一員應歸該縣丞就近管理又原武南岸

有堤六百餘丈界在鄭州境內應歸併鄭州見任州判帶管更查得山東單縣有南岸堤工二千餘丈錯雜於河南虞城縣堤內應該歸歸德府管河通判督虞城縣印河官就近修防河南考城縣北岸有堤工五千餘丈界連山東曹縣境內應換歸兗州府黃河同知督曹縣印河官就近修防內考城北岸堤工甚為殘損應俟修完更換如此一轉移間而繁簡緩急均得其宜修防者足以施其力則責成既專自免貽

誤之虞矣除山東省尚有未盡事宜容臣會同東撫  
臣核明另題外臣謹會同河南撫臣王日藻合詞  
題請伏乞

皇上睿鑒

敕部議覆施行奉

旨該部議奏部議覆皆如其請奉

旨依議

河南管河道治河檔案

聖祖仁皇帝康熙三十一年十二月日吏部等衙門為

微臣在河言河等事會覆原任河道總督靳疏稱山東東昌府通判原管德州等十餘州縣衛河道共計六百餘里道里綿長不能分身兼顧今查德州有原設管河州判一員但德州河道止一十八里誠可歸併州同帶管將此州判裁去添入東昌府改為下河通判分轄德州一州二衛恩縣夏津武城直隸之清河故城八州縣衛河道駐劄武城縣仍以見任通判改為上河通判分轄聊城堂邑博平清平臨清館陶



六州縣河道駐劄郡城又直隸河間府管河通判一員  
尚轄景州吳橋等十一州縣衛河道綿長八百里  
內天津同知止於分催滄州青縣靜海并天津三衛  
六州縣衛之重空漕船其修防疏浚之事不與焉今  
應將景州吳橋東光交河南皮五州縣河道與夫重  
運回空漕船照舊責令通判修防挑浚催僨外其滄  
州青縣靜海三州縣并天津三衛河道與夫重空漕  
船一併分與天津同知尚管修防挑浚催僨至青縣

河道二百餘里主簿一員不能兼顧應於該縣興濟鎮巡檢分管料理又直隸故城縣河道夾在山東武城恩縣兩縣之中江南沛縣河道夾在山東魚臺滕縣兩縣之中故城見隸河間府管河通判嵒轄遠住泊頭沛縣見隸徐屬同知嵒轄遠住徐州俱不能兼顧應照直隸清河縣例將故城改隸山東東昌府下河通判兼轄將沛縣改隸山東泇河通判兼轄至凡有河道州縣俱有管河丞簿以嵒司之今山東博平

一縣直隸之香河南皮吳橋故城清河五縣俱無專員乃係典史帶管夫典史有城社捕盜之責不能兼管河道查鄰近地僻之縣可以不設縣丞並有丞簿兼設之縣如山東之冠縣直隸之魏縣南樂清豐東明元城滑縣等縣俱可通融裁併應將冠縣縣丞裁去改為博平縣管河縣丞將魏縣縣丞裁去改為吳橋縣管河縣丞將南樂縣縣丞裁去改為故城縣管河縣丞將清豐縣縣丞裁去改為清河縣管河縣丞

再查大名府元城滑縣各有縣丞主簿兩員應將元城縣主簿裁去改為香河縣管河主簿將滑縣主簿裁去改為南皮縣管河主簿所遺元城滑縣衛河河道并長垣縣新經黃河徙至境內創築堤工俱應歸併各縣縣丞又大名縣亦有衛河並無耑責應將東明縣縣丞裁去改為大名縣衛河縣丞耑管而責成之並濬縣內黃二縣管河縣丞俱令大名府通判管轄至於河南丹衛兩河每年春夏之交資其東河濟

運而修武湯陰兩縣並無需設河員應將尉氏縣縣丞裁去改為修武縣丹河縣丞並河內武陟管河縣丞令懷慶府通判管轄再將永城縣縣丞裁去改為湯陰縣衛河縣丞又安陽縣洹水流入衛河濟運應令該縣縣丞需管疏浚一併交與彰德府通判管轄又衛輝府汲縣新鄉獲嘉淇縣管河縣丞輝縣管河主簿相應交與該府通判管轄再江南揚州府管河通判管轄高寶江儀四州縣之運河事務頗繁更兼

興泰如通四州縣之下河地方遼闊一員不能兼顧  
且下河已設立運河減水壩又且建閘疏通一切溝  
洫渠堰必得需員豈可置之不問應將下河興泰如  
通并范公堤串場河等處分與揚州府管糧通判兼  
管移駐泰州至泰州幅員甚廣州判一員亦難總理  
應於該州州同酌量分管以期無誤若夫如臯縣亦  
無管河需員查泰興縣偏僻空間亦應將縣丞裁去  
改爲如臯縣管河縣丞其通州興化鹽城海州四州

縣河道俱應責成該州縣州同州判縣丞管理而今  
廟灣同知魚轄鹽城海州知州魚轄州同等因具題  
前來查通判縣丞主簿等官俱各照事設立之員倘  
若更調各官職務以致廢弛亦未可定且黃運兩河  
俱設嵩員責成分管已經年久若照所題更調事屬  
繁多相應將原任總河靳輔所題之處毋庸議奉  
旨管河官員更調設立之處俱著照該督所題行

河南

管河道治河檔案

行水金鑑卷一百六十六



欽定四庫全書

行水金鑑卷一百六十七

江南按察使傅澤洪撰

官司

總河古司空之職凡河道所經地方數千里皆調度  
控制之任綦重矣然大小相承分猷戮力亦非一手  
足之勞也故凡在工諸職駐劄必詳疆里必悉以嚴  
其所守焉

以下俱靳文襄公治河書

總督河道部院駐劄濟寧州所統直隸山東河南江南浙江等處

江南文職屬員

淮揚道駐劄淮安府 凡淮屬之山陽清河安東鳳屬之泗盱并揚郡所屬河道舊屬南河分司者悉歸併本道管理所轄管河同知三員通判一員

淮安府分管山清盱眙河務同知一員駐劄淮安府清河縣管河縣丞一員駐劄甘羅城修防運河汛地

自甘羅城西南角起下至山陽縣界橫隄頭止

山陽縣管裏河縣丞一員駐劄府城修防運河汎地上自府城西南角樓起下至寶應縣界止

裏河主簿一員駐劄府城修防運河汎地上自清河縣界起下至府城西南角樓止

高堰主簿一員駐劄高堰修防湖隄汎地上自石工頭起下至清河縣界橫隄頭止

高良澗主簿一員駐劄周家橋修防湖隄汎地上自

周家橋起下至石工頭止

山盱主簿一員駐劄翟家壩修防湖隄汎地上自翟家壩起下至周家橋止

淮安府分管山清外河同知一員駐劄清江浦

清河縣主簿一員駐劄縣城修防本縣黃河北岸汎地

馬頭司巡檢一員駐劄甘羅城修防本縣黃河南岸汎地

山陽縣外河縣丞一員駐劄清江浦修防黃河南岸  
汎地上自清河縣界起下至朱家嘴止

外河主簿一員駐劄蘇家嘴修防黃河南岸汎地上  
自朱家嘴起下至童家營止

馬邏司巡檢一員駐劄盧鋪修防黃河南岸汎地上  
自童家營起下至陳家社止嗣於康熙二十四年八  
月內於咨明事案內將童家營之馬邏沈家園一帶  
險工改歸馬邏司巡檢并山清外河營把總經管

淮安府分管山安河務同知一員駐劄安東

安東縣縣丞一員駐劄縣城修防黃河汎地上自清河縣界起下至縣東門止

安東縣主簿一員駐劄夏村營修防黃河汎地上自縣東門起下至彭家灘止

五港司巡檢一員駐劄佃湖修防黃河汎地上自彭家灘起下至雲梯關止

山陽縣羊寨司巡檢一員駐劄薛家套修防黃河北

岸汎地上自雲梯關起下至泗汾港止

大套大使一員駐劄大套修防黃河南岸汎地上自雲梯關對岸陳家社起下至陸家社止

揚州府管河通判一員駐劄府城

寶應縣縣丞一員駐劄縣城修防運河汎地上自山陽縣界起下至劉家堡止

寶應縣主簿一員駐劄縣城修防運河汎地上自劉家堡起下至高郵州界止

高郵州州同一員駐劄州城修防運河汎地上自永安河尾起下至江都縣界止

高郵州州判一員駐劄州城修防運河汎地上自寶應縣界起下至永安河止

江都縣縣丞一員駐劄府城修防運河汎地上自灣頭閘起下至瓜洲止

江都縣主簿一員駐劄府城修防運河汎地上自高郵州界起下至灣頭閘止



儀真縣縣丞一員駐劄縣城修防本縣運河汎地

淮徐道駐劄宿遷凡淮屬之桃源宿遷邳州睢寧

并鳳屬之靈壁虹縣以及徐州所屬河道舊屬中河

夏鎮兩分司者悉歸併本道管理所轄河務同知四

員

淮安府分管徐屬同知一員駐劄徐州

徐州州同一員駐劄州城修防黃河南岸汎地上自

蕭縣界王家塘起下至青田止

南岸州判一員駐劄房村驛修防黃河南岸汎地上  
自青田起下至靈璧縣界止

北岸州判一員駐劄河北炭場館驛門修防黃河北  
岸汎地上自大谷山起下至王家山止

呂梁巡檢一員駐劄呂梁修防黃河北岸汎地上自  
狄家山起下至邳州界止

蕭縣主簿一員駐劄郝家集修防本縣黃河汎地  
碭山縣主簿一員駐劄縣城修防黃河南岸汎地

豐縣主簿一員兼管碭山縣北岸駐劄盤龍集修防  
本縣黃河

沛縣主簿一員駐劄夏鎮修防本縣運河汎地

淮安府分管邳睢靈璧同知一員駐劄邳州

邳州州同一員管運河駐劄貓兒窩修防運河汎地  
上自徐塘口起下至宿遷縣界止并唐宋山堤工

邳州州判一員管黃河駐劄州城修防黃河汎地上  
自徐州界起下至馬船幫止

直河司巡檢一員管黃河駐劄州城修防黃河汎地  
上自馬船幫起下至宿遷縣界止

新安司巡檢一員管運河駐劄泇口修防運河汎地  
上自山東嶧縣界起下至徐塘口止

靈璧縣主簿一員駐劄雙溝集修防本縣黃河汎地  
睢寧縣縣丞一員駐劄姚家集修防黃河汎地上自  
靈璧縣界起下至戴家樓止

睢寧縣主簿一員駐劄魏家集修防黃河汎地上自

戴家樓起下至宿遷縣界止

淮安府分管宿虹同知一員駐劄白洋河

宿遷縣縣丞一員管黃河駐劄縣城修防黃河南岸  
汛地上自睢寧縣界起下至小古城止

南岸主簿一員駐劄白洋河修防黃河南岸汛地上  
自小古城起下至桃源縣界止

北岸主簿一員駐劄縣城修防黃河北岸汛地上自  
縣西門起下至桃源縣界止

劉馬莊巡檢一員駐劄皂河口修防黃河北岸汎地  
上自邳州界起下至張莊運口止并新運河上自阜  
河口起下至運口止

運河主簿一員駐劄阜河口修防運河汎地上自邳  
州界起下至阜河口止

歸仁堤巡檢一員駐劄歸仁集修防宿虹二縣歸仁  
堤汎地

淮安府分管桃源同知一員駐劄桃源縣

桃源縣縣丞一員駐劄縣城修防黃河南岸汛地上  
自宿遷縣界起下至煙墩止

南岸主簿一員駐劄縣城修防黃河南岸汛地上自  
煙墩起下至清河縣界止

北岸主簿一員駐劄重興集修防黃河北岸汛地上  
自宿遷縣界起下至渡口止

三義鎮巡檢一員駐劄三岔修防黃河北岸汛地上  
自渡口起下至清河縣界止

河南省文職屬員

管河道駐劄開封府

凡開封歸德及舊屬河道所

管彰德衛輝懷慶各府河道俱歸併本道管理所轄

管河同知二員通判三員

開封府南河廳同知一員駐劄開封府

鄭州管河州判一員

祥符縣管河縣丞一員

祥符縣管河主簿一員



陽武縣管河縣丞一員

陽武縣管河主簿一員

滎澤縣管河縣丞一員

滎澤縣管河主簿一員

蘭陽縣管河縣丞一員

蘭陽縣管河主簿一員

儀封縣管河縣丞一員

儀封縣管河主簿一員

中牟縣管河縣丞一員

陳留縣管河縣丞一員

開封府北河廳同知一員駐劄周橋

祥符縣管河縣丞一員

祥符縣管河主簿一員

陽武縣管河縣丞一員

陽武縣管河主簿一員

原武縣管河主簿一員

榮澤縣管河縣丞一員

榮澤縣管河主簿一員

蘭陽縣管河縣丞一員

蘭陽縣管河主簿一員

儀封縣管河縣丞一員

儀封縣管河主簿一員

封邱縣管河主簿一員

歸德府分管河務通判一員駐劄考城

商邱縣管河主簿一員

虞城縣管河縣丞一員

虞城縣管河主簿一員

考城縣管河主簿一員

彰德府屬

安陽縣管河縣丞一員

湯陰縣管河典史一員

林縣管河典史一員

衛輝府分管河務通判一員駐劄衛輝府

汲縣管河縣丞一員

新鄉縣管河縣丞一員

獲嘉縣管河縣丞一員

輝縣管河主簿一員

淇縣管河縣丞一員

懷慶府分管河務通判一員駐劄懷慶府

今駐劄清化鎮

河內縣管河縣丞一員

武陟縣管河縣丞一員

山東省文職屬員

濟寧道駐劄濟寧州 凡濟寧所屬舊屬南旺北河

兩分司事務及舊屬東兗者悉歸併本道管理所轄

河務同知二員通判三員

兗州府黃河同知一員駐劄曹縣

山東全河備考云  
曹州定陶城武金

鄉曹單等縣  
河務隸之

曹縣縣丞一員

曹縣主簿一員駐劄傅家集

安陵司巡檢一員駐劄塔兒灣

單縣主簿一員駐劄本城

兗州府運河同知一員駐劄濟寧州

北河續記云魚臺以北至汶上

河道隸之  
魚管泉源

濟寧州州判一員駐劄本州城

北河續記云河道南接魚臺界牌淺起北

接濟寧衛五里淺止共六十八里內東岸南自魯橋北至師莊三里屬鄒縣

魚臺縣主簿一員駐劄南陽鎮

北河續記云河道南接沛縣珠梅閘起北

接濟寧南陽剛  
止共六十里

鉅嘉主簿一員駐劄長溝

北河續記云鉅野主簿帶管嘉祥河道南接濟寧火

頭溝起北接嘉祥大長溝止共二十五里又自  
大長溝起北接汶上界首止共十八里屬嘉祥

汶上縣主簿一員駐劄南旺

北河續記云河道南接嘉祥界首起北接東平

靳家口止共  
七十二里

兗州府捕河通判一員駐劄張秋

北河續記云東平以北至陽穀河道

隸之魚管  
張秋城池

東平州州判一員駐劄州城

北河續記云河道南接汶上靳家口起北接壽



張戴家廟止  
共三十里

陽穀縣主簿一員駐劄縣城

北河續記云河道南接東阿荆門上開起北接

聊城官窑口  
止共四十里

壽張縣主簿一員駐劄壽張縣

北河續記云壽張主簿帶管東阿河道南

接東平戴家廟起北接東阿沙灣止共二十里又自沙灣起北接陽穀荆門上開止共二十里屬阿城

兗州府泇河通判一員駐劄戚城

山東全河備考云駐夏鎮南陽以南

至黃林莊河道隸之

滕縣主簿一員駐劄縣城

山東全河備考云河道南接嶧縣吳家橋起北接沛

縣辛莊橋止  
共五十里

嶧縣縣丞一員駐劄縣城

山東全河備考云河道南自黃林莊起北至吳家橋

止共一百一十里

東昌府運河通判一員駐劄府城

北河續記云聊城以北至德州河道

隸之魚管直隸之清河縣

聊城縣主簿一員駐劄縣城

北河續記云河道東西俱有東岸南自本縣皮

家寨起北接博平梭堤止共六十里西岸南接陽穀官窑口起北接堂邑梁家鄉止共六十五里

臨清州州判一員駐劄州城

北河續記云河道汶河北岸東自潘家橋起西

北至板橋止二十里南岸東自趙家口起西北至板橋止二十三里衛河東岸南自板橋起北接夏津趙貨郎口止三十四里西岸南自板橋起北接清河二哥營止三十一里

德州判一員駐劄州城

北河續記云河道東西俱有東岸南接恩縣新開口鋪起

北接德州衛張家口鋪止共五十三里西岸南接德州衛南陽務鋪起北接德州左衛鄭家口鋪止共十五里

武城縣縣丞一員駐劄縣城

北河續記云河道東西俱有東岸南接夏津桑園起北接恩縣白馬廟止共一百四十四里西岸南

接夏津王家莊起北接故城鄭家口止共一百一十里

故城縣管河典史一員

北河續記云河道南接武城鄭家口淺起北接德州衛孟

家灣淺止

共六十里

甲馬營巡檢一員駐劄甲馬營

清平縣典史一員駐劄縣城

北河續記云河道東西俱有西岸內帶管德州

左衛四舖東岸南接博平減水閘起北接臨清潘官屯止共三十九里西岸南接堂邑函谷洞起北接臨

清潘家橋止

共三十三里

夏津縣主簿一員駐劄縣城

北河續記云河道東西俱有東岸南接臨清趙

貨郎口起北接武城桑園止共四十六里西岸南接清河渡口起北接武城劉家道口止共七里

堂邑縣主簿一員

北河續記云河道南接聊城呂家灣起北接清平魏家灣止共三十

里五

清河縣典史一員

北河續記云河道南接臨清二哥營起北接夏津渡口止共三十九里

直隸文職屬員

天津道駐劄天津

凡北河分公司所屬在濟寧州以

北者歸本道管理所轄通判一員

河間府管河通判一員駐劄泊頭

北河續記云景州以北至天津河道

隸之

景州州判一員

北河續記云河道南接德州羅家口起北接吳橋狼家口止共二十四里

滄州州判一員

北河續記云河道南接天津右衛磚河淺起北接天津左衛朱家墳止共

四十里

交河縣主簿一員

北河續記云河道南接東光李道灣起北接青縣白洋橋止共五十

里又河間衛河道三十八里交河縣帶管河道南接交河驛北口起北接交河陳家口止共三十八里又

瀋陽衛河道一里交河縣帶管河道南接交河劉家口起北接交河劉家口止共一里

青縣主簿一員

北河續記云河道南接清河甄河淺起北接靜海新莊淺止共一百七十

里愚按興濟廢縣歸并青縣河道南接滄州安都寨起北接天津衛八里堂止共四十八里

靜海縣主簿一員

北河續記云河道南接青縣釣臺

百三十里霸州河道三里係霸州委官管理河道

吳橋縣主簿一員

北河續記云河道東西各六十里

光連窩淺止西岸南接德州白

東光縣主簿一員

北河續記云河道東西各六十里

皮下口淺止西岸南接吳橋古

南皮縣典史一員

北河續記云河道南接東光北下

共五  
十里

江南武職屬員

徐屬河營守備一員駐劄徐州所屬千總二員把總五員

徐州南岸千總一員駐劄州城修防黃河汛地上自蕭縣界王家堂起下至青田止

南岸把總一員駐劄房村驛修防黃河汛地上自青田起下至靈璧縣界止

北岸千總一員駐劄長樊大壩修防黃河汛地上自



大谷山起下至王家山止

北岸把總一員駐劄龐家山修防黃河汛地上自狄家山起下至邳州界止

蕭縣把總一員駐劄郝家集修防本縣黃河汛地

碭山縣把總一員駐劄毛城舖修防黃河南岸汛地  
豐碭把總一員駐劄盤龍集修防豐縣黃河及碭山縣北岸黃河汛地

邳睢靈壁河管守備一員駐劄邳州所屬千總二員

把總四員

邳州黃河千總一員駐劄州城修防汛地上自徐州界起下至馬船幫止

黃河把總一員駐劄州城修防汛地上自馬船幫起下至宿遷縣界止

運河把總一員駐劄隅頭集修防汛地上自徐塘口起下至宿遷縣界止并唐宋山堤止

靈璧縣把總一員駐劄雙溝集修防本縣黃河汛地

睢寧縣千總一員駐劄姚家集修防黃河汎地上自靈璧縣界起下至戴家樓止

把總一員駐劄魏家集修防黃河汎地上自戴家樓起下至宿遷縣界止

宿虹河營守備一員駐劄宿遷縣所屬千總二員把總四員

宿遷縣黃河南岸千總一員駐劄白洋河修防汎地上自小古城起下至桃源縣界止

黃河南岸把總一員駐劄蔡家樓修防汛地上自睢  
寧縣界起下至小古城止

黃河北岸千總一員駐劄阜河集修防汛地上自邳  
州界起下至張莊運口止并新運河上自阜河口起  
下至運口止

黃河北岸把總一員駐劄縣城修防汛地上自攔馬  
河起下至桃源縣界止

運河把總一員駐劄阜河集修防汛地上自邳州界

起下至卓河口止

歸仁堤把總一員駐劄白洋河修防宿虹二縣歸仁堤汎地

桃源河營守備一員駐劄重興集所屬千總一員把總三員

桃源縣北岸千總一員駐劄崔鎮修防黃河汎地上自宿遷縣界起下至上渡口止

北岸把總一員駐劄黃家嘴修防黃河汎地上自上

渡口起下至清河縣界止

南岸上河把總一員駐劄縣城修防黃河汛地上自宿遷縣界起下至煙墩止

南岸下河把總一員駐劄縣城修防黃河汛地上自煙墩起下至清河縣界止

山清外河營守備一員駐劄清江浦所屬千總二員把總三員

清河縣外河北岸千總一員駐劄縣城修防本縣黃

河汎地

外河南岸把總一員駐劄甘羅城修防本縣黃河汎地

山陽縣外河千總一員駐劄湯董莊修防黃河汎地上自清河縣界起下至朱家嘴止

外河上河把總一員駐劄真武廟修防黃河汎地上自宋家嘴起下至童家營止

外河下河把總一員駐劄周門修防黃河汎地上自

童家營起下至雲梯關對岸陳家社止

山安河營守備一員駐劄安東縣所屬千總二員把

總四員

安東縣千總一員駐劄縣城修防黃河汎地上自清

河縣界起下至縣東門止

上河把總一員駐劄夏村營修防黃河汎地上自縣

東門起下至彭家灘止

下河把總一員駐劄佃湖修防黃河汎地上自彭家



灘起下至雲梯關止

山陽縣北岸把總一員駐劄薛家套修防黃河汎地上自雲梯關起下至泗汾港止

南岸把總一員駐劄關家港修防黃河汎地上自雲梯關對岸陳家社起下至陸家社止

山陽縣管理葦灘千總一員駐劄七巨港每年專司採割海灘葦柴以濟工用

山清盱眙河營守備一員駐劄武家墩所屬千總二

員把總四員

清河縣裏河把總一員駐劄甘羅城修防運河汎地  
上自甘羅城西南角起下至山陽縣界橫堤頭止  
山陽縣裏河千總一員駐劄清江浦修防運河汎地  
上自清河縣界起下至府城西南角樓止

裏河把總一員駐劄平河橋修防運河汎地上自府  
城西南角樓起下至寶應縣界止

高家堰千總一員駐劄高家堰修防湖堤汎地上自

石工頭起下至清河縣界橫堤頭止

高良澗把總一員駐劄高良澗修防湖堤汎地上自周家橋起下至石工頭止

山盱把總一員駐劄徐家口修防湖堤汎地上自翟家壩起下至周家橋止

揚屬河營守備一員駐劄高郵州所屬千總二員把總四員

寶應縣千總一員駐劄汜水鎮修防運河汎地上自

劉家堡起下至高郵州界止

把總一員駐劄縣城修防運河汎地上自山陽縣界  
起下至劉家堡止

高郵州千總一員駐劄永安河修防運河汎地上自  
寶應縣界起下至永安河尾止

把總一員駐劄州城修防運河汎地上自永安河尾  
起下至江都縣界止

江都縣把總一員駐劄邵伯鎮修防運河汎地上自

高郵州界起下至灣頭閘止

以上皆靳文襄公治河書

濟寧衛管河千總一員河道南接濟寧五里淺起北接鉅野火頭灣止共二十五里

以下俱北河續記

東平所管河千總一員河道南接東平馮家莊起北接東平安山鋪止共七里

平山衛管河千總一員河道止西岸一面南接聊城龍灣鋪起北接東昌衛冷鋪止共三里其東昌衛河道南自真武廟起北至糧廩止共九十一丈並無鋪

舍

德州衛管河千總一員河道東西俱有東岸南接恩縣迴龍廟舖起北接吳橋降民屯止共八十四里西岸南接故城范家圈起北接景州羅家口止共一百二十七里

德州左衛管河千總一員河道東西俱有內有四舖在清平縣地方縣河官帶管東岸南接德州耿家灣起北接德州四里屯止共三里西岸南接德州蔡張

城起北接德州衛四里屯止共一里半

天津衛管河千總一員河道南接興濟蔡家淺起北接靜海泊張淺止共六十五里

天津左衛管河千總一員河道南接青縣流佛寺起北接興濟張家口止共七十七里

天津右衛管河千總一員河道南接南皮北馮家口

起北接滄州北楊家口止共十四里

以上俱北河續記

聖祖仁皇帝康熙三十八年五月日總河于成龍等照

部咨新設河營遊擊一員守備二員本部照例籤補外千總二員把總四員行令該督遴選熟練河務之人拔補戰守兵丁照數將年力精壯之人募補仍將年貌籍貫造冊報部其應給

勅書俟該督將管轄事宜清冊造送到日揭請內閣換給關防移咨禮部鑄給可也

淮揚道檔案此  
營已奉裁矣見前

行水金鑑卷一百六十七